

Nos tin un wikènt yen di Chichi® selebrashon tras di lomba. Djabièrnè anochi tabatin un pre-selebrashon, di e 15 aniversario di Chichi®, yen di energia, kolorido i inspirativo. Kasi 100 invitado a partisipá na e evento experimental di networking, kaminda hende ta bai den 4 diferente “think tanks” pa konstruí brùgnan entre nan historianan di bida i eksperensia di trabou i pa konekta i krea ku otro. E “think tanks” nan tabata diseñá pa ku e historia di Serena’s Art Factory. E elemento nan di e “think tanks” tabata awa, kandela, tera i airu. Den e tank di kandela, kual a representa energia di bida, invitadonan por a komparti nan historianan i laga nan obstákulonnan atras den e kandela. Nan a puntra nan mes kua forma di kandela nan ke representa den komunidad i pa Kòrsou. Tera a representa e poder di naturalesa. E la bai tokante nan mes raís i kon nan por bria mas. E invitadonan tabata komparti nan eksperensianan interaktivo riba un Kòrsou traha di klei formá dor di Serena. Trahando ku nan man, kambiando e supervisie, pa huntu nan visualisá kambionan pa futuro. Airu tabata tokante soñonan kolorido, kaminda nan ke tira pa e streanan. Den e tank aki hende a siña di e historia original di Chichi®, i kon e ta inspirá dor di Nikki de Saint Phalle i su historia di bida. E tabata tokante bira bo blokeonan na koló i tira riba un bòrchi yená ku pòchi di fèrf. E delaster tank kual ta di awa tabata di e awa di bida i kon pa ahustá si kosnan no ta kana manera nan ta planiá. Tur hende a bebe e mesun awa, pero a eksperensia un otro smak. Asina por mira kon esaki por transforma e manera ku bo ta mira bo intorno i komunidad di e isla.

E “think tanks” tabata hosted dor di entrepreneurs lokal di Kòrsou; Krishna Doll Oedjahir, Edward Shares, Nevita Mezas, Ghatim Kabbala.

Aparte di e “Think Tanks”, Serena Art Factory a introdusi e Co-Crea Chichi®, pa awor aki e Chichi® mas grandi. E imagen riba e Co-Crea Chichi® ta diseñá pa e artista Thea Parthenos nase na Berlin. E a kuminsa fèrf e siman pasá i e tim di Serena lo continuá. Kara production a konstruí e 3.5m estatua i a instalá un Labyrinth di lus kual ta demonstrá e historia di Chichi® i nan pintadoranan.

Levi Silvani a sera e anochi ku un konserto bunita. Kaminda e a komparti su historia i konekshon speshal ku Chichi®.

E mensahe di e anochi ta: “Si nos para huntu den nos momentunan eskuro nos por lusi huntu i asta bira e lus pa otro. Si nos stòp di husga otro i konsentra riba lokual tur hende tin di duna na e komunidad i pa nos isla, lo ta posibel pa nos konstruí brùgnan i kompronde di unda tur hende ta bin”.

E selebrashon a continuá riba Djadumingu 28 di Mei organisá huntu ku “the Lifestyle Pop-up”. E Pop-up market tabata un inolbidabel. A deskribi hopi bendedónan lokal i tabatin hopi aktividatnan pa mucha i hinter e famia. Tabatin un petting zoo, Children’s Musuem on the Go, kids arts & crafts, un Chichi® Experience, workshop di arte pa tur edad i un bon selekshon di kos di kome i bebe. E Pop-up market vibrante aki tabata un destinashon kreativo i dushi riba e djadumingu perfekto aki. Un wikènt yená ku alegria huntu ku amistad i famia.